



XALQ DEPUTATLARI BULUNG'UR TUMAN KENGASHINING Q A R O R I

17 - fevral 2021-yil

136/24 -son

Bulung'ur tumanida mavjud ijtimoiy-iqtisodiy rivojlanish va asosiy ko'rsatkichlarni 30 foizga oshirish yuzasidan amaliy chora-tadbirlar dasturini ijrosi to'g'risida

Bulung'ur tumanida I-chorakda makroiqtisodiy ko'rsatkichlarni bajarishda qo'shimcha chora-tadbirlar ko'rish natijasida quyidagi natijalarga erishish ko'zda tutilgan.

- sanoat mahsulotlari ishlab chiqarish hajmi 137,4 mlrd. so'm, o'tgan yilning mos davriga nisbatan 105,0 foizga;

- xizmatlar hajmi 94,5 mlrd so'm, o'tgan yilning mos davriga nisbatan 107,4 foizga;

- qurilish pudrat ishlari hajmi 24,7 mlrd so'm, o'tgan yilning mos davriga nisbatan 107,9 foizga;

- chakana savdo aylanmasi ishlari hajmi 226,7 mlrd so'm, o'tgan yilning mos davriga nisbatan 106,8 foizga;

- qishloq xo'jalik mahsulotlari hajmi 186,4 mlrd so'm, o'tgan yilning mos davriga nisbatan 102,5 foizga;

- kapital qo'yilmalar hajmi 46,8 mlrd.so'm, o'tgan yilning mos davriga nisbatan 104,4 foizga;

- hududiy eksport ko'rsatkichlarini 3 mln 848 ming.dollarga bajarish bo'yicha chora-tadbirlar ko'riladi.

Bundan tashqari, 2021 yilda tumanda byudjet tushumlarini ko'paytirish borasida bir qator amaliy ishlar amalga oshirildi.

Jumladan:

qo'shilgan qiymat solig'i hamda foyda solig'i to'lovchilari yil boshidagi 176 tadan 213 taga yetkazildi;

mulk solig'i to'lovchilari 560 tadan 575 taga;

yer solig'i to'lovchilari 585 tadan 592 taga;

suv resurslaridan foydalanganlik uchun soliq to'lovchilar soni 1298 tadan 1381 taga;

jismoniy shaxslar daromadidan soliq to'lovchilar soni

2203 tadan 2196 taga oshdi.

2020 yilda 1205 ta xo'jalik yurituvchi sub'ektlarda jami 3565 nafar norasmiy ishlab kelayotgan ishchi va xodimlar legallashtirildi;

2021-yil yanvar oyi yakuni bilan xo'jalik yurituvchi sub'ektlarda norasmiy ishlab kelayotgan 471 nafar xodimlar legallashtiriladi.

Yuqorida amalga oshirilgan ishlar natijasida, tumanda:

2021-yil yanvar oyi yakuniga ko'ra, byudjetga jami tushumlar o'rnatilgan 6 mlrd 284,0 mln.so'mlik reja amalda 6 mlrd 679 mln. so'mga yoki qo'shimcha 395 mln. 387 ming so'mga;

Mahalliy byudjetga o'rnatilgan 3 mlrd 421 mln. so'm reja belgilangan bo'lib, xaqiqatda 4 mlrd 299 mln.so'mga yoki 878 mln. so'mga qo'shimcha mablag' tushirildi.

2020-yil fevral oyi yakuniga ko'ra, byudjetga tushumlar o'rnatilgan

7 mlrd 60,0 mln.so'mlik reja oy yakuniga qo'shimcha 440,0 mln. so'm bajarilishi kutilmoqda;

Tumanda 2021-2022 yillarda umumiy qiymati 1 trln. 557 mlrd. 825 mln. so'mlik 98 ta hududiy investitsiya loyihalarining manzilli ro'yxati shakllantirilib, 1419 ta yangi ish o'rinlari tashkil etilishi belgilangan.

* sanoat yo'nalishida umumiy qiymati 242 mlrd so'm bo'lgan 20 ta loyihalar ishga tushishi natijasida 402 ta yangi ish o'rinlari;

* xizmat ko'rsatish yo'nalishida umumiy qiymati 169,8 mlrd so'm bo'lgan 47 ta loyihalar ishga tushishi natijasida 553 ta yangi ish o'rinlari;

* qishloq xo'jaligi yo'nalishida umumiy qiymati 1 trln. 146 mlrd so'm bo'lgan 31 ta loyihalar ishga tushishi natijasida 464 ta yangi ish o'rinlari yaratildi.

Shundan 2021-yilda umumiy qiymati 501 mlrd. 365 mln.so'mlik 94 ta loyiha ishga tushirilishi rejalashtirilgan bo'lib, natijada 1173 ta yangi ish o'rinlari yaratilishi belgilangan.

* sanoat yo'nalishida umumiy qiymati 189 mlrd.so'm bo'lgan 19 ta loyihalar ishga tushishi natijasida 352 ta yangi ish o'rinlari;

* xizmat ko'rsatish yo'nalishida umumiy qiymati 169,8 mlrd so'm bo'lgan 47 ta loyihalar ishga tushishi natijasida 553 ta yangi ish o'rinlari;

* qishloq xo'jaligi yo'nalishida umumiy qiymati 142,6 mlrd so'm bo'lgan 28 ta loyihalar ishga tushishi natijasida 268 ta yangi ish o'rinlari yaratildi.

Jumladan:

«SAMARKAND GARDEN PLAST» MCHJ QK tomonidan loyihaning umumiy qiymati 42 mlrd.so'm, shundan 29 mlrd.so'm bank krediti, 13 mlrd.so'm, o'z mablag'lari hisobidan «Bog'dorchilikni rivojlantirish» loyihasi amalga oshirilishi natijasida 20 ta yangi ish o'rinlari tashkil etiladi. Korxona tomonidan 400 gektar yer maydonga olcha va gilos ekiladi hamda yetishtirilgan maxsulotlarning asosiy qismi eksportga yo'naltiriladi.

«METIN BUSINESS FRUITS» MCHJ tomonidan loyihaning umumiy qiymati 25,8 mlrd.so'm, shundan 1,5 mln.dollar xorijiy kredit liniyasi, 10 mlrd.o'z mablag'lari hisobidan «Meva sabzavot mahsulotlarini quritish, mayizni qayta ishlash va qadoqlash» loyihasi amalga oshirilishi natijasida 20 ta yangi ish o'rinlari yaratiladi. Korxona yiliga 4 ming tonna meva-sabzavot mahsulotlarini qayta ishlash va mayizni qadoqlash quvvatiga ega bo'ladi. Ishlab chiqarilgan mahsulotlar eksportga yo'naltiriladi.

«ZAXROXONIM RAXIMAXONIM» MCHJ tomonidan loyihaning umumiy qiymati 7,2 mlrd.so'm, shundan bank krediti 4,7 mlrd.so'm, 2,5 mlrd.so'm o'z mablag'i hisobidan 150 o'rinli «nodavlat maktabgacha ta'lim muassasasi» loyihasi amalga oshirilishi natijasida 18 ta yangi ish o'rinlari tashkil etiladi.

Tadbirkorlik faoliyati sohasidagi asosiy raqamlar, Bulung'ur tumanida 2021-yilning 1 fevral holatiga 2 654 ta tadbirkorlik sub'ektlari (1310 ta kichik biznes sub'ektlari, 1344 ta yakka tartibdagi tadbirkorlar) faoliyat ko'rsatmoqda.

2021-yil yanvar-fevral oylarida 38 ta yangi xo'jalik sub'ektlari, jumladan, 22 ta MCHJ, 13 ta oilaviy va 2 ta xususiy korxona, 1 ta ishlab chiqarish kooperativi tashkil etildi.

2021-yil I-chorak davomida tijorat banklari tomonidan barcha moliyalashtirish manbalari hisobidan 10 mlrd 307 mln.so'm imtiyozli kredit mablag'lari ajratilishi rejalashtirilgan.

Jumladan, «Har bir oila – tadbirkor» dasturi asosida 7 mlrd 283 mln.so'm, «Fermer, dehqon xo'jaliklarini qo'llab-quvvatlash jamg'armasi» mablag'lari hisobidan 572 mln. so'm,

Hunarmandchilik sohasidagi 1 mlrd 322 mln.so'm, Bandlikka ko'maklashish dasturi asosida 272 mln. so'm, Xotin-qizlarni va oilani qo'llab-quvvatlash jamoat fondi hisobidan 277 mln.so'm, «Yoshlar tadbirkorligini qo'llab-quvvatlash» dasturi asosida 580 mln.so'm imtiyozli bank kreditlari ajratilishi belgilangan.

Yoshlarning kasb-hunarga, zamonaviy bilim va ko'nikmalarga ega bo'lishi uchun barcha turdagi shart-sharoitlar va imkoniyatlar yaratilmoqda. Jumladan, tumanda ishsiz yoshlarni kasbga o'qitish borasida ham bir qator ishlar amalga oshirib kelinmoqda. O'zbekiston Respublikasi Prezidentining 2020-yil 11-avgustdagi PQ-4804-sonli qaroriga asosida tumandagi Qishloq xo'jalik kasb-hunar kolleji va Milliy hunarmandchilik kasb-hunar kolleji qoshida 1-son va 2-son kasb-hunarga o'qitish maskanlari tashkil qilindi.

2021-yil I-chorakda tumandagi 103 nafar ishsiz fuqarolarni kasb-hunarga o'qitish belgilangan va bugungi kunda 130 nafar ishsiz fuqarolar kasb-hunarga o'qimoqda, jumladan 1-son kasb-hunar maktabida 56 nafar fuqarolar payvandchilik, elektrik, traktor mashinist, kompyuter savodxonligi, qishloq xo'jalik loyihanti, avtomobillarga xizmat ko'rsatish sohasiga hamda tuman 2-son kasb-hunar maktabida 74 nafar o'quvchilar tikuvchilik va payvandlash yo'nalishida tahsil olmoqda.

Tumanda aholi bandligini ta'minlash maqsadida 2021-yil I-chorak davomida 306 ta yangi ish o'rinlari yaratilishi rejalashtirilgan.

Barcha ko'rsatkichlarni belgilangan prognoz rejalaridan ortig'i bilan bajarish bo'yicha imkoniyatlar mavjud va qo'shimcha manbalardan foydalanib bajarilishi ta'minlanadi.

«Mahalliy davlat hokimiyati to'g'risida»gi O'zbekiston Respublikasi Qonunining 21-moddasiga asosan Xalq deputatlari tuman Kengashi

QAROR QILADI:

1. Bulung'ur tumanida mavjud ijtimoiy-iqtisodiy rivojlanish va asosiy ko'rsatkichlarni 30 foizga oshirish yuzasidan amaliy chora-tadbirlar dasturini amalga oshirgan ishlar haqida tuman hokimining moliya-iqtisod va kambag'allikni qisqartirish masalalari bo'yicha birinchi o'rinbosari D.Xabibullaev hisoboti ma'lumot uchun qabul qilinsin.

2. Tumanni ijtimoiy-iqtisodiy jihatdan yanada rivojlantirish, har bir yo'nalishdagi ishlarni jadallashtirish maqsadida tuman hokimining moliya-iqtisod va kambag'allikni qisqartirish masalalari bo'yicha birinchi o'rinbosari (D.Xabibullayev), tuman iqtisodiyot va kambag'allikni qisqartirish bo'limi boshlig'i birinchi o'rinbosari (F.Shodmonov), tuman investitsiyalar va tashqi savdo bo'limi boshlig'i birinchi o'rinbosari (I.O'sarov), tumandagi sektorlar rahbarlari (B.Baxramov, S.Saidov, B.Jo'raqulov, Sh.Eshmurotov)lar bilan birgalikda:

tumanning ijtimoiy-iqtisodiy rivojlantirishda aniq maqsadga yo'naltirilgan muhim dasturlarini ishlab chiqish va amalga oshirish;

dehqon xo'jaliklari, tomorqa uchun ajratilgan yerlardan maqsadli foydalanish, meva-sabzavotchilik, chorvachilik, parrandachilik, baliqchilik, asalarichilik va boshqa faoliyat turlarini rivojlantirish, qishloq xo'jaligi mahsulotlarini ishlab chiqarishini tashkil etishda fermer xo'jaliklariga ko'maklashish bo'yicha chora-tadbirlar ishlab chiqish;

yangi ish o'rinlari yaratish, ishsizlikni kamaytirish va mehnat bozori samaradorligini ta'minlash, ijtimoiy xizmatlardan foydalanish imkoniyatlarini oshirish va aholi turmush sifatini yaxshilash;

tumanning moliyaviy mustaqilligiga erishish hamda bank-moliya sohasini rivojlantirish natijasida aholi va biznes uchun zarur shart-sharoitlar yaratish, ishlab chiqarish infratuzilmasining barqarorligi va ishonchliligini ta'minlash;

investitsiya jalb etishning samarali vositalaridan biri bo'lgan davlat-xususiy sheriklik mexanizmlarini transport, energetika, yo'l, kommunal, tibbiyot, ta'lim kabi sohalarga keng tadbiq etish;

barqaror iqtisodiy o'sishni ta'minlash, milliy iqtisodiyotning raqobatbardoshligini oshirish, sanoat salohiyatini mustahkamlash va hududlarni kompleks rivojlantirish maqsadida investitsiyalarni jalb qilish sohalari va tarmoqlarini aniqlash orqali faol investitsiya siyosatini ishlab chiqish va amalga oshirishda ishtirok etish;

2021-yilda «Temir daftar»ga kiritilgan kambag'al oilalarning ijtimoiy holatini yaxshilash, kambag'allikdan chiqarish va o'zini-o'zi band qilishni ta'minlash maqsadida imtiyozli kredit asosida chorvachilik, tikuvchilik, issiqxona va boshqa yo'nalishlarda kredit ajratilishini tizimli ravishda olib borilishini ta'minlash choralarini ko'rish vazifalari topshirilsin.

3. Ushbu qaror ijrosini nazorat qilish xalq deputatlari tuman Kengashining mahalliy byudjetni shakllantirish va ijro etish, iqtisodiy islohatlarni amalga oshirish va tadbirkorlikni rivojlantirish masalalari bo'yicha doimiy komissiyasi (M.Namozov) zimmasiga yuklatilsin.

Tuman Kengashi raisi

 B. Baxramov